

femur à coxendicis osse diuulsi. trahentiq; mihi, unà cum brachijs ac manibus, scapulæ quoq; subsecutæ sunt, deerāt tamen alterius manus digiti, & patella utraq; unà cum pede altero. Quū itaq; crura & brachia (relicto cū totius corporis trunco, capite) clam repetitis uicibus domum detulissē, ut thoracē qui catena alte firmabatur nanciscerer, extra ciuitatē me uesperī excludi passus sum: tantoq; obtinendorum ossium desiderio & studio ardebam, ut media nocte in illa corporum multitudine quod expetebā diuellere nō horruerim, haud mediocri labore ac industria, sine arbitris, palum cōscendens. Verū detracta ossa procul illinc deferēs, in secretiori loco condidi, frustatimq; altera die per aliā ciuitatis portā domū detuli. Porro quū ligamenta rescin dere cœpissē, nihil ob egregiā eorum duriciē promouī, ac illa feruēte aqua emollire coactus sum: utq; uoti compos redderē, omnia ossa tandē tacite ita coxi, illisq; emūdatīs illud sceleron extruxi, quod Louani apud longe amicissimū mihi GIBERTVM CARBONEM, insignē ac uario disciplinarū genere instructū medicū, meumq; à puero studiōrū commilitonē asseruatur. Atq; id sceleron adeo praeproperē parauī, & manū ac pedem, duasq; patellas nō mi nori labore & industria aliunde conquisiui, ut omnibus persuaserim id me Lutetia aduexisse, quo omnē subreptorū ossium suspiciōē dlerem. quamuis eius urbis Praetor postmodū adeo medicinæ candidatorū studijs fauit, ut quoduis corpus à se impetrari gauderet: ac ipse nō uul gariter Anatomes cognitione afficeretur, mihiq; illic Anatomem administranti sedulō astaret. Quum igitur primum tentantibus nobis adeo promptē negociū successerit, quid nunc futurū existimandum, postquam cōponendi quoq; rationem alijs descripsimus: & prater subiungen das nunc tabulas, in plurimis Academijs, uel nostra opera, sceleta uisuntur: Verū non ho minis solum ossa, sed, uel Galeni nomine, simiæ & canum, ac Aristotelis etiam gratia auim pi sciumq; & reptilium inuicem connexa, aut saltem disuncta apud medicinā & naturalis philo sophiæ studiosum esse oporteret. Nisi fortē hanc philosophiæ partē ad nos nihil pertinere ar bitremur, satisq; esse nobis persuadeamus, si nostris syrupis, citra Anatomem imponere mora libus, & loculos opplere possimus.

DE OSSIUM NUMERO. CAP. LX.



PARVM dubito plerōq; alicubi à me ossium quoq; numerū desideratu ros: quibus nullum aliud consiliū dari uelim, quā, ut ex singulis huius li bri Capitibus illū petant. prolixius enim esset, hīc omnia recēdere. Quāuis ne tantillum laboris subterfugisse uidear, non enumeratis appendicibus, & ossibus ita ut in prouectioris ætatis hominibus se habent, cōstitutus, ad hunc modum ea recensere nihil impediet. Caluariæ ossa uiginti sunt, octo quidem capitis, & maxillæ superioris duo decim: ita tamen, ut iugalia pri uatim nō enumerentur, quum quorundam illorum uiginti ossium partes seu sedes tantū sint, propriaq; circūscriptio destituantur. auditus organi ossa quatuor sunt, duo scilicet ad singu las aures, dentes sunt triginta duo, maxillæ inferioris os unicum, ossis u referentis ossicula sunt ferē undecim. Vertebrae uiginti quatuor, sacri ossis ossa sex, coccygis autem quatuor, costæ uiginti quatuor. Pectoris ossis tria numerauimus ossa, alijs autē septena recensentur, sed age hac enumeratione tria tantum sint: & aliās ex tuo arbitratu, quot uisum tibi fuerit. scapulæ duæ: to tidem clauiculæ, & humeri duo, ulnæ duæ, radij duo, brachialis ossa sedecim, utriusq; scilicet manus octo, octo item postbrachialis ossa, in utraque manu quatuor, digitorum ossa triginta: utriusq; manus nimirū quindecim, sesamina ossicula in singulis manibus ut minimū sunt duo decim, ac proinde iam uiginti quatuor illa in manibus recensamus. Ossa sacri ossis lateribus commissa, duo, femora duo, duo tibiariū ossa, fibulæ duæ, duæ patellæ, duæ calces, tali duo, na uicularia ossa duo, tarsi ossa octo, in utroq; pede quatuor, decem pedij ossa, in utroq; pede quin que, uiginti octo digitorum pedis ossa, cuiusq; nimirum pedis quatuordecim, pedis sesamina ossicula similiter atq; in manibus uiginti quatuor, quāuis nonnulla sint prorsus cartilaginea. Ac proinde si hæc ossa in unum numerū reijcies, uniuersa erunt (si rectē addo) trecenta & quatuor, quibus si pectoris ossa quatuor adhuc adijci uelles, & maxillæ inferioris duo ossa statueres, es sent trecenta & septem. Verum si priuatim omnes appendices (quū ossa sint propria circūscri ptione in pueris terminata) enumerare lubeat, facile dictum nuper numerū semel, ac rursus di midio duplicares, quod uel hinc colliges, si uertebras, femora, tibiæ ossa, atque alia quæ multis appendicibus donantur, in memoriā reuocaueris. Rursus si ossa ut in pueris uisuntur subduxe ris, Dñj boni quantū ossium acruum cumulabis: quum omnes uertebræ, aut tribus aut duo bus consent ossibus: & ossa quæ sacro coarctantur, tribus, idq; generis reliqua: adeo ut cuiq; suo arbitratu ossium numerum confingere sit integrum.

HVMA

DE HVMANI CORPORIS F
HVMANI COR-
SIMVL COMPACTO-
EX FACIE EXPRES-